

01.11.2020

UKA2020/165

Nunat avannarliit killiit siunnersuisoqatigiiffiata Savalimmiuni, Kalaallit Nunaanni Islandimilu Naalakkersuisunut kaammattuutigaa suleqatigiillutik suleqatigiisitamik nunat avannarliik killiit niperujoorutaannik erinarsuutaannillu nuutilersukkanik saqqummersitsinissamut katersisussamik ilisimasalinnik susassaqartunik ilaasortalimmik pilersitseqqullugit. Nunani pingasuni taamatut saqqummersitsinissamut aningaasartuutissat suleqatigiisitap qulaajassavaattaq. (Aallartitat siulittaasuat Vivian Motzfeldt)

Nunat anannarliit killiit niperujoorutaannik nuutilersukkamik pilersitsinissamut kaammattuut saqqummiunneqartoq Siumumit imaattumik oqaaseqarfigissuarput.

Nunat Avannarliit Killiit Siunnersuisoqatigiiffiat ukiuni 32-nngortuni ingerlasimasoq manna tikillugu sorpassuartigut suleqatigiinnikkut nukittorsaataasimavoq, imaaliinnarlunilu avissaartinneqarsinnaanani ineriartortinneqarsimavoq paasisimasanillu paarlaasseqatigiiffiusarluni tamaginnit iluaqutigineqartumik.

Qulequttami taaneqareersut toqqammavingalugit kiisalu naapeqatigiinnermi aamma mininneqartanngimmat niperujoorneq erinarsoqatigiinnerlu oqaatigissuarput Siumumit tapersersornartikkatsigu siunertaq, takusinnaasatsitullu erinarsuutit niperujoorutillu katersorneqalereersimasut nuutitalerlugit naqitanngortinneqarnissaat isumaqatingaarput.

Taamatut naatsumik oqaaseqarluta aappassaaneerneqartingani ataatsimiititaliamut susassaqartumit suliarineqarnissaa innersuupparput.

Nikkulaat Jeremiassen, Siumut